



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 408
fax. +387 33 726 423
e – mail: info@voda.ba

Broj: **UP-1/21-1-40-169-4/25**
Datum: **03.06.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica JP „Željeznice FBiH“ d.o.o. Sarajevo za donošenje Rješenja o prethodnoj vodnoj saglasnosti za uređenje desne obale rijeke Bosne u cilju zaštite trupa pruge 12 na dionici Semizovac-Rajlovac, km 245+200 do 245+800, na osnovu člana 109. stav (1) tačka 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE **o prethodnoj vodnoj saglasnosti**

1. Pravnom licu JP „Željeznice FBiH“ d.o.o. Sarajevo daje se prethodna vodna saglasnost za uređenje desne obale rijeke Bosne, a u cilju zaštite trupa pruge 12 na dionici Semizovac-Rajlovac, km 245+200 do 245+800, u dužini od cca 600 m, a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda projektne i druge dokumentacije dostavljene uz zahtjev i pod slijedećih uslova:
 - 2.1. Izraditi i revidovati investiciono-tehničku dokumentaciju na nivou Glavnog projekta koja treba da je urađena od strane ovlaštenog pravnog lica i revidovana od strane drugog pravnog lica, oba sa liste „A“ Federalnog Ministarstva za poljoprivredu, vodoprivredu i šumarstvo, u skladu sa odredbama Pravilnika o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08 i 38/12).
 - 2.2. Projektnom dokumentacijom treba da se obuhvati tehničko rješenje uređenja desne obale rijeke Bosne na predmetnoj dionici, kao dio integralnog rješenja uređenja obala rijeke Bosne na predmetnom području, a projekat između ostalog treba sadržavati:
 - Situativni prikaz razmjere 1:1000 ili detaljnije, sa ucrtanom dionicom obuhvaćenom aktivnostima sanacije desne obala rijeke Bosne na ažurnim geodetskim podlogama uzdužnog i poprečnih profila riječnog korita urađenu na bazi geodetskih snimanja koja će se provesti za potrebe izrade ove projektne dokumentacije. Snimanje izvesti preko operativnog poligonog vlaka uz povezivanje sa državnim nivelmanom sa osiguranjem krajnjih tačaka poprečnih profila na terenu trajnim biljegama (uz položajni opis i nacrt), preko kojih će se vršiti kontrola realizacije ovih radova;
 - Rješenje uređenja desne obale rijeke Bosne na predmetnoj dionici, a u cilju zaštite od erozije obale;
 - Tehnički opis rješenja, uz obrazloženje rješenja i pojašnjenje efekata, predmjer radova i odgovarajuće grafičke priloge uobičajene za nivo projekta za građenje;
 - Proračun vučnih napona u cilju određivanja načina zaštite (oblaganja) obale, krupnoće kamenog nabačaja koji će se koristiti i sl.;
 - Hidrauličke i hidrološke proračune na predmetnoj dionici rijeke Bosne za određivanje nivoa velikih voda u prirodnom i regulisanom stanju za različite rangove pojave uključujući i usvojeni nivo zaštite od velikih voda;
 - Prilikom definiranja normalnih profila uvažiti i uslove koji se odnose prije svega na izgrađenost obale, morfologiji terena, razvojno-plansku dokumentaciju, geološki sastav obale i sl.;
 - Zahvati uređenja obale moraju uvažiti postojeće imovinsko-pravne odnose i radove svesti u pojas kojim će se najmanje narušiti izgrađeni i planirani objekti, privatni posjedi i parcele;
 - Predmjerom radova utvrditi količine materijala koji treba ukloniti (smeće, mulj, kruti otpad, pijesak, šljunak, šiblje i dr.). Bilans masa uraditi na osnovu ažurnih geodetskih podloga. Zahvati uređenja desne obale trebaju se uklopiti u postojeći ambijent sa minimalnim narušavanjem prirodnog stanja koristeći u rješenju prirodne materijale;
 - Provesti stabilitetne analize uređene obale sa posebnim osvrtom na moguće nepovoljne uticaje izgrađenih objekata i propisani način ugradnje (posteljica, oslanjanje, zatrpavanje, zbijanje, nosivost, spajanje);

- Projektnom dokumentacijom sagledati sve moguće neželjene uticaje planiranog uređenja obale na izgrađene objekte i postrojenja, stečena prava korisnika, postojeću infrastrukturu, naselja i sl., te dati prijedlog mjera za uklanjanje odnosno sprečavanje tih uticaja;
 - Projektna dokumentacija treba da bude urađena na zakonski zahtijevanom nivou za ovu vrstu radova i sadrži sve opće i tehničke elemente propisane zakonodavstvom iz ove oblasti.
3. Po izradi dokumentacije iz tačke 2.1. dispozitiva ovog Rješenja, nosilac prava iz prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti. Zahtjev za izdavanje vodne saglasnosti dostavlja se u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22).
- Uz zahtjev za izdavanje vodne saglasnosti, treba dostaviti slijedeću dokumentaciju:
- Investiciono-tehničku dokumentaciju zahtijevanu tačkom 2.1. ovog Rješenja,
 - Rješenje o urbanističkoj saglasnosti i okolinskoj dozvoli (ukoliko predmetna aktivnost podliježe obavezi pribavljanja iste) za predmetnu dionicu uređenja rijeke,
 - Dokaz o riješenim imovinsko-pravnim odnosima,
 - Saglasnost udruženja sportskih ribolovaca na termine provođenja radova na predmetnom uređenju desne obale rijeke Bosne, u cilju zaštite od erozije.
4. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
5. Ovu prethodnu vodnu saglasnost Podnosilac će koristiti u postupku dobijanja urbanističke saglasnosti i okolinske dozvole (ukoliko predmetna aktivnost podliježe obavezi pribavljanja iste) i ona definiše sve uslove koje projektna dokumentacija, koja se podnosi u postupku dobijanja vodne saglasnosti i građevinske dozvole, treba ispuniti sa aspekta voda u skladu sa Zakonom o vodama.
6. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja.

O B R A Z L O Ž E N J E

Pravno lice JP „Željeznice FBiH“ d.o.o. Sarajevo dostavilo je zahtjev za izdavanje prethodne vodne saglasnosti za uređenje desne obale rijeke Bosne, a u cilju zaštite trupa pruge 12 na dionici Semizovac-Rajlovac, km 245+200 do 245+800, u dužini od cca 600 m, a u postupku pribavljanja urbanističke saglasnosti.

Uz zahtjev je dostavljena i pregledana slijedeća dokumentacija:

- Ovjerena kopija Aktuelnog izvoda iz sudskog registra Općinskog suda u Sarajevu, broj: 065-0-RegZ-25-002763 od 05.03.2025. godine;
- Ovjerena kopija uvjerenja o poreznoj registraciji, Porezna uprava - Kantonalni ured Sarajevo, od 29.01.2007. godine;
- Ovjerene kopije Zemljišnoknjižnih izvadaka, izdatih od strane Zemljišnoknjižni ured Općinskog suda u Sarajevu dana 20.02.2025. godine
- Ovjerene kopije katastarskih planova;
- Kopija Mišljenja o usklađenosti planskih aktivnosti sa dokumentima prostornog uređenja, datog od strane Zavoda za planiranje razvoja Kantona Sarajevo, broj: 04-19-3765/24 od 28.10.2024. godine;
- Izvod iz prostornog plana Kantona Sarajevo za period od 2003. do 2023. godine
- Izvod iz GIS baze podataka Zavoda za planiranje razvoja Kantona Sarajevo i GIS baze podataka Zavoda za izgradnju KS;
- Elaborat o inženjerskogeološkim i geotehničkim karakteristikama terena za projekat sanacije pruge 12, na dionici Semizovac-Rajlovac, km 245+200-245+800, urađen od strane WINNER PROJECT d.o.o. Sarajevo, septembar 2024. godine;
- Studija za izdavanje prethodne vodne saglasnosti za projekat sanacije pruge 12, na dionici Semizovac-Rajlovac, km 245+200 – 245+800, usljed djelovanja rijeke Bosne na trup pruge – Obaloutvrda, urađena od strane „HIGRACON“ d.o.o. Sarajevo, juli 2024. godine;
- Dokaz o uplati upravne pristojbe.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku

pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 29.04.2025. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnom glasilu „OSLOBOĐENJE“. U datom roku nije bilo pisanih izjašnjenja o predloženim aktivnostima iz zahtjeva.

Dana 30.05.2025. godine je traženo očitovanje Sektora za realizaciju projekata Agencije u postupku donošenja Rješenja o prethodnoj vodnoj saglasnosti za sanaciju pruge 12, na dionici Semizovac-Rajlovac, km 245+200 do 245+800 uslijed štetnog djelovanja voda rijeke Bosne na trup pruge, odnosno da li su predmetne aktivnosti usklađene sa planovima Agencije, raspoloživom dokumentacijom i ranijim tehničkim rješenjima, te da li se za predviđeno tehničko rješenje stabilizacije obale može izdati prethodna vodna saglasnost. U odgovoru od strane Sektora za realizaciju projekata Agencije je rečeno da predviđeno tehničko rješenje ne remeti tehnička rješenja koja se nalaze u planovima Agencije i da se za isto može izdati prethodna vodna saglasnost. Mišljenje Sektora za realizaciju projekata Agencije je sastavni dio ovog Rješenja o PVS.

Na osnovu utvrđeno činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 2. dispozitiva rješenja, u skladu sa odredbama Zakona o vodama i odredbama Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je dužan ispuniti prilikom izrade projektne dokumentacije koja će investitoru biti potrebna u postupku pribavljanja vodne saglasnosti i odobrenja za građenje.

U provedenom postupku konstatovano je slijedeće:

- Aktivnost za koju je podnesen zahtjev za izdavanje prethodne vodne saglasnosti je sanacija desne obale rijeke Bosne u cilju zaštite trupa pruge 12 na dionici Semizovac-Rajlovac km 245+200 – 245+800;
- Uređenjem desne obale rijeke Bosne na predmetnoj dionici obezbjediti će se stabilizacija obala vodotoka i sprječavanje erozije i osigurati trup pruge na predmetnoj dionici;
- Ukupna dužina planirane sanacije desne obale je cca 120 m;

Predmetna aktivnost obrađena je projektnom dokumentacijom: Studija za izdavanje prethodne vodne saglasnosti za projekat sanacije pruge 12, na dionici Semizovac-Rajlovac, km 245+200 – 245+800, Usljed djelovanja rijeke Bosne na trup pruge – Obaloutvrda, urađena od strane „HIGRACON“ d.o.o. Sarajevo, juli 2024. godine.


Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava i šteta nastalih erozionim procesima na desnoj obali rijeke Bosne na predmetnom lokalitetu, na osnovu člana 109. stav (1) tačka 14, a u vezi sa članom 111. Zakona o vodama i člana 17. stav (1) tačka 9. Pravilnika o sadržaju, obliku, uslovima, načinu izdavanja i čuvanja vodnih akata, valjalo riješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka: Aida Bezdrob, dipl.inž.građ.

Za
Rukovodilac sektora za izdavanje vodnih akata

Nihad Pezo, dipl.inž.građ.

PRILOG: Elaborat o inženjerskogeološkim i geotehničkim karakteristikama terena za projekat sanacije pruge 12, na dionici Semizovac-Rajlovac, km 245+200-245+800, urađen od strane WINNER PROJECT d.o.o. Sarajevo, septembar 2024. godine

Dostaviti:

- JP Željeznice Federacije BiH d.o.o. Sarajevo, Musala broj 2, 71000 Sarajevo (sa prilogom)
- AVP Sava, ISV, Vodna knjiga,
- Sektor 40, arhiva,
- Oglasna ploča